

L'ELECTUR BATALER

Plan


- I a tan longtemps que'm rapèli pas moi,
 S'era a Sòs o a Sent-Pè,
 Mès que'm sovengui bien qu'èra un ser d'elecccion
 Dens un cafè... Sus aquera question
 Un electur batalejava
- 5 E coma un molin bracejava.
 Hasè tremblar l'ostau, miaçava las gents
 Que'us i volè copar los rens.
 -" I a pas que venuts, disèva, que menturs,
 Canalhas, sadoths e volurs,
- 10 Se'n va temps de har la leishiva."
 A l'enténer cridar tot lo monde hugiva.
 Pr'amor que per astan qu'aimen sos candidats
 I a gents sages de tots costats
 E que's socian pas d'anar pr'amor d'un pet
- 15 Servir de farça en un tropèth.
 Noste òme, ça que la, los uèlhs hòra deu cap,
 Devisava coma un aucat.
 E suu marbre en trucar deu punh,
 Que's fachava enquè mei, de trobar pas digun
- 20 Ende l'esbrigalhar sus plaça.
 Tot d'un còp, que't vei dens ua glaça *vètj*
 Arriser un petit traput.
 -" A mila sòrt, ça ditz, tot serà pas perdut.
 Que't vau har ríser, triste sira.
- 25 E sens mei de reson que'u vòu gahar au colet.
 S'era trompat de chai: lo petit que's revira
 E me l'envia un camoflet
 Qui l'esten redde sus parquet.

Moralitat

- Los cridaires son pas jamès bien dangerós.
 30 Mefiatz-vos deus silenciós.

Notas:

- t. electur : gal.per elector
 v.8 mentur : gal.per mensongèr
 v.10 leishiva : gal.per bugada
 v.19 se fachar : gal.per s'emmaliar
 v.24 sira : gal.per senhor
 v.28 parquet : gal.per plancat



L'ELECTUR BATALER